


四明叢書

張宗祥



見山樓詩集卷四 辛未至甲戌

清慈谿張翊儔麟洲箸

滬上雜感

江干草長水濛濛
裏外雙橋落彩虹
珠翠輝煌鮫客市
樓臺金碧島夷宮
四圍煙樹連天綠
十里華燈照夜紅
如鏡平沙難辨路
香車寶馬任西東

天地沈沈合醉昏
中華文物久無存
羅紉徧體興臺貴
冠蓋盈街估客尊
魔女佩環朝習舞
諸郎檀板夜開樽
李唐畫與廷蘭曲
挾技長依顯者門

脂香粉膩鬢垂鴉到處相逢油壁車十二女娃都識曲
萬千門巷盡藏花境空水月誰能鑑鄉縱溫柔未是家
不信樊川狂杜牧江湖春夢醒繁華

煙花豔景勝揚州十萬腰纏試一遊西土本來稱極樂
南朝從古號無愁浮生若夢歡娛短舉國如狂感慨留
海燕卽今巢幕慣豈知人世有春秋

都中觀繩伎孟三娘演雜劇作

春明門裏春草綠楊花李花亂馬足隆福寺前好圍場
遊人日暮猶追逐高竿百尺懸晴空彩繩一縷搖東風

少小女郎貌端正婆娑來去西復東飛行直似馬縱轡
翻身忽作輕燕墜雙趺瘦削春筍翹鬢花墮地脂痕膩
整頓雲鬢下地行嫣然一笑秋波明請爲諸君演雜劇
紅衣重束腰肢輕百轉車輪舞乍息跨盤高立天咫尺
天風吹衣衣亂飛愁殺旁觀花底客演罷當場頓改妝
砑羅裙子綠衣裳尊前覩腆不成曲錦瑟隨身一樣長

喜陳子仙同年 欽入詞館

季方吾畏友生小同鄉曲長我不十年肩隨互追逐二
十富詞華交場旗幟卓三十共苔岑荆山耀雙玉奏賦

星羅胸談經笥在腹沾丐來世人殘膏兼賸馥視我猶
弟行箴規嚴課督風雨每聯牀快談忘信宿尊酒論古
今抵几張雙目此邦全盛時冠蓋自相屬甲第動連雲
金張盡貴族達者不盡賢賢者淹薄祿所以數百年佳
傳無可讀跳躍輒自奮慷慨雜歌哭兵亂經歲時山林
苦跼伏忽忽已中年一官各初服我食武昌魚君逐長
安鹿君登金玉堂我職牛羊牧宦迹倏中分天涯復海
角會面自茲稀交情應倍篤金石保素心歧途慎投足
平昔志攸存良友交相助傾心聖德詩努力名臣錄爲

君喜不寐知君不隨俗

京邸慰尹秋雪舍人并誌別

北里鶯花羈客夢東華樓閣起春陰朝衫京國緇塵滿
旅鬢江潭柳色深一第艱難名士恨百年湖海故人心
無窮和氏荆山淚灑到征夫漢上襟

諸友餞別陶然亭卽席賦謝

豔豔鶯花敞別筵鳳皇池客玉堂仙倍添愁緒春三月
莫惜離尊斗十千地北天南分宦迹哀絲豪竹感中年
喧闐車馬恩恩散回首燕雲益惘然

出都端午前一日由滬駕番舶歸甬次日抵里喜
占兼憶留都尹秋雪舍人

長風一夜動江關千里樓船獨客還忽醒繁華京國夢
來看青翠故鄉山室中椿樹垂重蔭庭外榴花帶笑顏
寄語春明留滯客香蒲莫放酒杯閒

天津舟中贈馮舸月孝廉

可鏞

北闕書空上西山人倦遊功名慳我輩風雨快同舟夜
氣橫平野春潮湧濁流且吟新白紵莫問舊貂裘

山有桐 傷楚遊也

山有桐其葉楚楚我有王父不我能撫勞人之踽踽兮
山有梓其葉沃沃我有嚴君不我能畜勞人之蹙蹙兮
原有脊令翩其逝兮巢有雛燕迭相棄兮我之遠行莫
或畀兮草草勞人心如醉兮

晨風忽來吹我白雲飄飄遊子載離里門笑吾弗見歎
吾弗聞滔滔江漢越關渡津哀我勞人悔此勞人

之官留別家人并鄉中諸親友

浮雲起天末一雁翔遠空野田稻粱盡逐食來西東哀
哀念其侶日暮號悲風志長羽翼瘁天路安可窮遊子

去荆楚飄飄傷斷蓬不擇陋宗測得所慚龐公出山爲
小草茲事寧素衷黃鵠隨燕雀憔悴將何從

生平少年時意氣何縱橫破浪慕宗慤入洛隨賈生結
交盡游俠驅馬走帝京痛飲酒徒集高歌神鬼驚亂離
失舊業頽然返柴荆故山多榛莽蕪穢不可耕輒思公
田秫一醉謀泉明赤牒應官去悽惶顏面更磬折自茲
始寧爲夸譽名

慈烏屋角棲夜夜啼不止反哺見汝心微禽迺能爾我
有重闔親白頭垂過耳顯揚苦不早薄祿甘卑仕所以

廬江生捧檄增欣喜遊子縱有方春暉難久恃商飈西
北來江流方瀾瀾白雲親舍遙平原渺千里

征馬當門嘶晨露草靄濕行人慘將發一家黯無色親
朋送我行杯盤羅廣席悲感鬱中懷對酒不能食豈惟
酬酢情肝膽無拂逆出處各有時天涯互努力嘉會絲
管陳相思山海隔臨別且須斯別後懷今夕

別笙和叔

祖鏞

我別重闔去誰能奉老親不愁門祚薄要有讀書人歲
月隨時惜文章與日新癡名臣叔著莫使誚鄉鄰

別王生縵雲

定祥

似爾聰明少知余屬望深
聲名早歲得師友古人尋
夜雨催更漏秋風緊客心
明朝江海上別酒漫停斟

留別京兆君

枇杷白板夜沈沈如水柔
懷淡後深一面已教三日
憶千金難鑄兩邊心情癡
不祝雲英嫁春老重煩杜
牧尋同有天涯遲暮感落
紅成陣淚沾襟

辛苦重營燕子樓牽蘿日
日費綢繆本來骨瘦何堪
病如此心多易著愁寂寞
銅環三徑雨蓬鬆雲鬢一
簾秋

算來還是沾泥好忍看輕萍逐水流

金尊相對每宵分一炷心香細細焚不合時宜識坡老
曾拋心力事朝雲情絲幻作空中結薌澤頻從醉後聞
此去恩恩湖海上悔教烏帽誤紅裙

三載心盟又臂盟將離無奈贈卿卿一尊風雨留行客
萬疊雲山寫別情樓上花枝君自惜渡頭桃葉我來迎
今宵眼看蕭郎去白馬門前噤不鳴

秋七月捧檄之鄂道出姑蘇謁恩竹樵方伯

錫

牙旗飄蕩戟門開曾憶相依杜甫臺未必陳琳工草檄

祇緣嚴武解憐才家貧親老歸心迫世難年荒別緒哀
今日南天重聚首恩恩已是十年來

詞壇藝苑卓旌旂宏獎風流世所稀下筆公存千載想
出山我惜一官微江南花月騷人主楚北煙雲別夢飛
本是舊時王謝燕畫堂相對總依依

題竹樵方伯南行紀遊詩後

春水桃花湧畫艫金焦數點落篷窗名區今得詩人管
肯放青山一過江

公遊宦淮鳳間嘗以不得過江爲恨
每誦天公爲厭揚州俗無數青山不

過江
句

兩行旌節豔芳時
軟水溫山盡入詩
我惜江南諸父老
福星來已廿年遲

五人墓

山塘寂寞秋花紅
纍纍五冢青苔封
冢中五人明義士
顏君佩韋乃其雄
身則市井心則公
一腔義憤凌蒼穹
殺人媚鬼五人死
至今冤魂號寒風
天子雖饒日戲蕩
太阿魁柄移東廠
北寺冤沈傾顧廚
同文獄具誣朋黨
妖燄薰天天不明
緹騎疊出東南行
楊左諸公錮獄底
銀疉又逮周先生
先生卓卓吳中英
道旁觀者多不平

問天子詔竟何在若輩狗彘何縱橫老拳攢擊斃一騎
中丞鼠竄僚吏驚檻車北去萬人散嗚呼五人死其難
五人雖死老奸懼虎狼不到江南岸拚將一死障清流
英賢幸免抄瓜蔓虎山埋骨妥精魂五人之墓巍然存
大書特書題墓門五人始得稱成人當時朝士竟何等
乾兒義子蟲紛紛近聞楊家有孫子聞是楊念墓田設
肆花成市魂魄何須苦寂寥寒食清明一陌紙逆祠燬
盡餘荒邱廟棺散骨無人收轉恐餘腥沾蔓草墳前奠
燕沈香頭

眞娘墓

芙蓉露涸鴛鴦死秋冢霜寒叢草紫
百蝶成塵雁柱灰
地下美人呼不起美人例合古今憐
千載遊人想玉顏
松柏西冷抔土淺一雙兒女豔湖山

山塘卽目

半塘橋外碧波平一派笙歌續斷聲
日暮遊船銜尾進
鬢花香滿闔閭城

孫養雲大令

振翮

見贈兩律次韻奉酬

生死干戈裏重幃得奉親
願隨遺逸士長作太平民
舊

業真成夢名場愧置身元規難免俗回首已風塵

太傅文章客風流領一州幕中多俊彥健筆寫清秋我
亦與高會君非爲浪遊仲宣今得主莫漫賦登樓

擬吳梅村戲題士女圖同竹樵方伯作

一舸

戰勝帷房敢自誇五湖深處且爲家美人智計高流輩
不許隋師斬麗華

虞兮

兒女情深難割捨君王氣盡可如何定陶楚舞淒迷夜